

Manden koyinmee xaa waxati di radangi

Manden ɓɔɓxi lanyi nun ɓɔɓe malanyi nan naa, xanunteya, yɛteralui a nun bɛlɛxɛ soe boreyira.

Na a masexinɛ a maraɓaxui muna sii yaama a nun ɓɔnsɛ kiima manden kui.

Na nan findi mu xaa geremasoe natɛ ndee ra.

Na xanbi, Sanɛnɛ (Sanéné) nun Kontron xaa die naxasiga dunije tunxunyi funun firin, manden birin xilira, e naxa yi maasenyie masen:

1- Sanɛnɛ nun Kontron xaa die naxɛ

Adama di nii birin nii na a ra

Nondi naa ra, benun nii nde xafa a lixinɛ nii nde naana

Kɔnɔ nii yo mu fori nii nde bɛ

Nii yo binya nii nde bɛ

Na nan naki nii yo mu dangi nii nde ra

2- Sanɛnɛ nun Kontron xaa die naxɛ

Alo nii birin to findixi nii ra

Tɔɓɛgɛ rabaa nii yo ra a lanmanɛ a xa yɛyilan (rafala)

Na xanbi, mixi yo naxa yɔ a dɔxɔbore ma naki tun,

Mixi yo naxa tɔɓɛgɛ raba a dɔxɔbore ra

Mixi yo naxa fexɔnɛ raba a malan bore ra

3- Sanɛnɛ nun Kontron xaa die naxɛ

Birin xa a ɓɔxɔsaa a bore xɔnma

Birin xa a barimixi suxu anun I biyɛ belebele saa e ma

Birin xa a xaa di suxu anun a binya

Birin xa a xaa denbaya waaxɔnfe raba e bɛ

4- Sanɛnɛ nun Kontron xaa die naxɛ

Birin xa a ɓɔxɔsaa ɓɔxi xɔnma a baaba barixi dɛndɛxɛn

ɓɔxi xaa xanunteya, ɓɔxi bɛ, a namu a ra baabee xaa ɓɔxi,

Wo tuli mati wobore ra fan, a gbengbenyi xamee,

yamanɛ birin, ɓɔxi birin a xamee ɓɔn naa ma na ɓɔxi kanɛ kolonmanɛ a nun yaaye

5- Sanɛnɛ nun Kontron xaa die naxɛ

Kaamɛ fe fanyi mu a ra,

Konyi yaa fan fe fanyi mu naa nafa naa

Gbaloe yo mu naa naxandangi na se firin yira yi dunije bɛndɛ funyi fari

Danmi xali saa se naa muxu yi a nun a woli see,
Kaame mu mixi yo faxama manden kui, a kaame safaa yamanE maa.
Gere taa yo kanama kore ala ko konyie xa sɔtɔna
Na nan naki mixi yo mu luuti saa ma a malanbore ma ala ko a xa saa a mati
Mixi yo mu bɔnbɔma a ɲaaxira manden kui, a namaara a xa faxa
Fasa xili ma konyi di to a ra

- 6- Sanɛnɛ nun Kontron xaa die naxe
Konyi yaa fe tan bara ɲɔn yi to lɔxe
« Kelifé bilixi tunxunyi han tunxunyi bore »
Kelifé manden yi naaninyi han a sadɔxo naaninyi bore ra
Mixie xaa xuruse nun e xaa donse baganfe nee maa
Na fan baradan Manden kui to lɔxe
Fe kobi naxee birin minixi na fee kui nee birin lɔe manɛ to lɔe Mande
kui
Fe ɲaaxi mundun naa a la kaame
Yaa baafe kaame tɛra
Fe ɲaaxi mapɔxunxi birin xaa na suxu
Tɔre magaaxui mundun ya
Konyi be a nun kaamae tɔe be
A faali se se yo muna e xaaxili tii ma na naxanna
Konyi tan xaa
xɔɛya baaxine a yi duniɲe yire birin

- 7- Xoro mixie naxe muxu be :
« Adama findixi mix inde nan naa
Naxan yeyilanxi xɔri nun sube ra
sɔɔra nun fɛsɛra
kiri naxan makotoxi xabe ra a nun xun sɛxɛ
naxan a baloma donse ra a nun ye se ra,
Kɔnɔ a nii nun a xaaxili ɲerintema se saxan nan na :
- A se too a waama naxan toofe
- A fe fala a waama naxan falafe
- A fe raba a waama naxan na baafe

A se keren sa baa nee ra

Nii tɔrɔmanɛ

A xalanfunmanɛ tɛmunde

Naxanbi, Sanɛnɛ nun Kontron xaa die naxɛ

Birin ni i yɛɛ rapɛrɛma

Marafulunyi bara soo birinyira I xaa fe raba ki kui

Kɔnɔ i binyɛ saa fee maa naxee ratonxi

Bɔxi sariyee yi ra

Manden rakalixi yi nan na

Katarabi tuleɛ maa naxee naa dunijɛ xun xɔnyi